



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 42. Henricus VIII. de luxuriosa Reginæ vita per Cranmerum certior
factus.

[urn:nbn:de:hbz:466:1-66615](https://nbn-resolving.de/urn:nbn:de:hbz:466:1-66615)

stros, quibus haud ignotum erat, quod Sæc. XVI.
A.C. 1542.
Sylvius apud Cæsarem, ad quem decer-
nebatur, parum gratia & auctoritate va-
leret; quam quoque ob caussam prospe-
ro legationis suæ successu frustrabatur :
Verum haud felicior erat Sadoletus ad
Galliarum Regem missus, eo quod bel-
lum inter utrumque Principem jamjam
denuntiatum fuisset.

§. XLII.

*Henricus VIII. de luxuriosa Regi-
næ vita per Cranmerum cer-
tior factus.*

Eo ipso temporis articulo, quo Henri- *Burnet. hist.*
cus VIII. de suis nuptiis nuperrime *Reformat.*
cum Catharina Hovarda contractis sibi *t. 1. l. 3. p.*
vel maxime applaudebat, Cranmerus ^{427.} *Sander. de*
Cantuariensis Archiepiscopus Regis læ- Schis. Angl.
titiam haud parum perturbabat, eidem *p. 201.*
exponens, quod hæc nova Sponsa libe-
riori vitæ licentia atque luxuria difflu-
ret; cum enim Rex Eboraci ageret, qui-
dam nomine Lasselsius huic Archi-Præ-
suli nuntiatum venerat, se a sua sorore,
quæ longo jam tempore Viduæ Norfol-
ciæ Ducissæ ab obsequiis erat, percepis-
se, quod Regina adhuc innupta flagitio-
sæ ac perditæ libidini totam sese dedis-
set, imo nunc quoque, et si Regi esset
desponsata, iisdem tamen nefariis vo-

Sæcul. XVI. luptatibus indulgere pergeret, atque inter ceteros Scortatores præcipue Franciscum Dirhamum, & alium nomine Mannockium frequenti admodum consuetudine foveret. Arcanam hanc Lasselsii relationem Cranmerus mox Cancellario, ac quibusdam aliis, qui Regi a secretioribus consiliis Londini erant, communicabat; hi autem una omnes communi suffragio decreverunt, Regem ab Eboracensi urbe reducem a Cranmero de tota rei serie esse edocendum. Hic itaque libellum, quem confecerat, Henrico tradidit, rogavitque, ut eum remotis arbitris perlegeret. Primo quidem Rex calumniis Reginam appeti censebat, arcani tamen sigilli Præfecto in mandatis dedit, ut quæsito prætextu Lasselium adiret, atque ex eo rem clam explorare satageret. Hic cuncta, quæ prius deposuerat, constanter affirmavit, ipsiusque foror itidem interrogata simul omnia, quæ ejus frater asseruerat, confirmavit; horum igitur testimoniosis convicti Dirhamus & Mannockius in vincula conjiciebantur, atque atrociora, quam ab eis petebantur, fassi sunt sceleræ. Gravis insuper suspicio cadebat in alium quemdam nomine Culpeperum; nam hunc Rochfordiaæ Ducissa, quæ olim Maritum suum de turpi commercio cum Anna Bolena accusaverat, hora noctis

un-

undecima, dum Rex Lincolniae agebat, Sæc. XVI.
A.C 1542.
in Catharinæ Reginæ cubiculum intro-
duxit, in quo ipse usque ad quartam
diei horam matutinam permanxit, atque
a Regina, priusquam dimitteretur, ca-
tenam auream unacum vitta cubiculari
auro affabre texta dono accepit.

§. XLIII.

*Regina crimen suum confessa, ac Ju-
dicibus tradita.*

Perceptis horum testimoniis Archiepi- Sleid. l. 14.
scopus Cantuariensis, ac nonnulli a- p. 457.
iii Regis Consiliarii Reginam quæstioni Burnet. l. c.
subjicere jubebantur, quæ quidem pri- p. 430.
mo crimina sibi objecta pernegabat, Svond. hoc
cum ann. n. 7.
autem iterato examine cuncta ejus sce-
lera omnino detecta comperiret, se vi-
tam adeo flagitiosam duxisse fatebatur,
suamque confessionem proprio chirogra-
pho firmabat. Inde hand parum tur-
babatur Henricus Rex, moxque Dirha-
mum, Mannockium & Culpeperum
mortis supplicio plecti jussit; cum vero
accusationum capita adversus Reginam
delata ad Parlamentum referri vellet,
hinc die vigesima sexta Januarii Sena-
tum convocavit, ac percepta illorum,
quibus hæc caufsa committebatur, rela-
tione, ac delicto idoneis testibus com-
probato, utraque Regis Curia senten-
tiā pronuntiarunt, in qua Regem exo-

ra-